

rum in an hril dânin hienga kristienhai chung a tharum thawna hluor pei hih kum 2024 khawmin a la fe zawm zinga, March 2024 chen a khan ringtuhai chung a tharum insuona 161 zet a tlung hman dêr tah.

May-June, 2024 sâng khan India ram hmun dang dang a ringtuhai chungah tharum insuona chi dang dang, inthrithreina le thawluina, thukhêla intumna le indiklotaka thubuoi siemkhumna a tlungrawn tah. May 22, 2024, khan Bastar, Chhattisgarh-a kristien pakhat chu a thia, a ruong kristien ser-le-sang dungzuia sawngbâwl le vûi an phal pek nawh. May 26, 2024 khan Dhamtari, Chhattisgarh-a kristienhai chuh ringnawtu threnkhatin nasataka dodâlin, an lirtheihai suksiet pêk le kut thlâk khum an nih.

May 27, 2024 khan Karnal, Haryana a kristien sângkuo palihai chuh an ringna leia khawtlâng ensanin an um. May 27, 2024 nî baw k khan Kushinagar, Uttar Pradesh-a Pastor Ramashish chuh inkhâwmna a huoihawtlai ringnawtu threnkhatin an chawkbui. Pastor Surjeet chuh May 27, 2024 khan Jammu & Kashmir-a Samba-a police station ah sakhuo inletna thil le inzawma inhnawmna tia indiklo taka hêka a um lein police-in an man. Hieng a chung a târlanga umnaw khawm kristienhai chung a suknaawmnatna/sukdudana tamtak India rama hin a tlung mêk zing. Trawngtra nasa'ng ei tiu khai!

July 2024 sâng a usher dinghai

Vasant Kunj Vengbuk

Tv. Lalzarlien (LEADER)
 Tv. Bless Varte (LEADER)
 Tv. Alex Ngurrokhum
 Tv. Joseph Nungate
 Tv. Joseph Thahgen
 Tv. Aldrin
 Tv. John Selate
 Tv. Felix Hmar
 Tv. Kevin Remruoltien

Nk. Rosary Tuolor (LEADER)
 Nk. Margaret Varte (LEADER)
 Nk. Divine Darlienmawi
 Nk. Sarah Vanlalmawii
 Nk. Enna Lalramhnemi
 Nk. Abisak Varte
 Nk. Jubilee Lalrammawi
 Nk. Zarzokim
 Nk. Lalparvul
 Nk. Lalthakim

**HMING:
 VENGBUK:**



An Organ of the Hmar Christian Fellowship Delhi

HREPUITU

HREPUITU | VOLUME: XIX | ISSUE: 13 (JUNE, 2024)



Rest of Delhi Vengbuk, DoMYA OB, Worship Team

Please visit HCFD official website:
<https://hcfcd.in/>

HREPUITU

Hmar Christian Fellowship Delhi
Chanchinbu Thlakip Suok
(Regd.No.: S/ND/599/2015)
Vol. XIX/No.13 (June, 2024)

Managing Editor:

Pu Herbert Lalsanglur

Joint Editors:

Pu Rohminglien Songate

Pastor Steven Lalzarzolien

Infimate

Printing/Circulation:

Pu Robert Penatu

Address:

Managing Editor, Hrepuitu,
Fellowship Centre, Base-
ment, H. No. 57, Munirka,
Delhi- 110067

email: hrepuitu@yahoo.com

Hrepuitu a article insuo hai,
ngaidân suklanga um (hai)
hi HCF Delhi ngaidan a(n) ni
chuong kher nawh. Ziektu tin
mawphurna a ni lem. Pathien
thu le article insuo nuomhai
chun iengtiklai khawma edito-
rhai email ah thu ziek hai chu
pek thei zing a nih.

- Editor

A SUNGA THU UMHAI

03 EDITORIAL

04 KA TA DINGIN PA- THIEN HNAI A ȚHA

06 SEKIBUSUOK

09 “FOLLOW YOUR HEART”? (LUNGRIL)

12 RECYCLE BIN

14 I VÂNGNEIZIE I'N HRIET HLAH AM?

16 MISSION RIPAWT

19 CHANCHIN LAW- RKHAWM

KRISTIENHAI SUKNAWMNATNA LE INZAWMA CHANCHIN LAWRKHAWM THRE NKHAT

India rama hin ringtuhai suknawmnatna a ni têtlin a hluor zuol pei niin a'n lang. India Dânpu (Constitution, Article 25-28)-in mitin, India khuo le tui taphawt, sakhuo zalenna a mi pêk. Universal Declaration of Human Rights (UDHR) le International Covenant on Civil and Political Rights (ICCPR) haiah sakhuo zalenna chungchâng hih ziekin a um bawk. UDHR-a Article 18-ah chun mitinin ei ringna (religious beliefs) zalentaka ei fepui le inchûktir le chawibiekna ei nei thei thu chiengtaka ziekin a um. ICCPR-a Article 18(1)-ah a lo inziek bawk. India khawm UDHR le ICCPR pawmtu rambunghai (signatory countries) lai a thrang ve nih. Sienkhawm, ûol-au taka sakhuo zalenna khuokhir tumna le sukchिंगpên tuma hmalâkna India ram kiltin-kiltang ah a tlung inzing ut.

February 2023 chen a khan India rama states 28-hai laia states 12-haiah sakhuona inlet khuokhir/khap tumna dân (Anti-conversion laws tia ei hriet lâh) hmangin a um dêr tah. Chuong states 12-hai chu Arunachal Pradesh, Chhattisgarh, Gujarat, Haryana, Himachal Pradesh, Jharkhand, Karnataka, Madhya Pradesh, Odisha, rajasthan, Uttarakhand le Uttar Pradesh an nih. February 26, 2024 khan Assam State Assembly khawmin Assam Healing (Prevention of Evil) Practices Bill, 2024 a lo pawmfel ve tah. Hi bill hih dân a hmang a hung ni hunah chu Assam rama Chanchinthra hril rawngbawlina khawm nghawng a nei nasa hle ring a um.

Hieng anti-conversion laws hmang mêka umhai hih India Dânpu hnuaia sakhuo zalenna pêka ei um leh a'n kalna tamtak a um chau niloin a têtluia khawvelin a pawm Universal Declaration of Human Rights (UDHR) le International Covenant on Civil and Political Rights (ICCPR) hail eh a'n kalna tamtak a um.

India rama Chanchinthra hrilna kawnga rawngbawltu pastor le misawnari hai chungah tharum insuona states tamtak ah hril le hriet dingin a um zeu zeu zing. Chun, kristienhai chungah thawluina, inthreina le vântlâng ensenna/tuitlârna a tlung thu chatlak loa hriet ding a um bawk.

Religious Liberty Commission, Evangelical Fellowship of India (EFI), ha'n an târlang dânin kum 2023 sâng khan India rama kristienhai chungah tharum insuona chi dang dang 601 zet a tlunga, chu chu 2022-a a tlung zât nêkin za peiah 45-in a tam lem tina nih (45% increase). United Christian Fo-

hun dam an nei hlak bok. Nuhmei pawl inkhawm hi Pi Grace Khawbungin a keihruoi deu tak hlak.

Thralai pawl

Thralai pawlhai khom inrinni zatin thralai inkhawm an nei ve hlak a. A chang leh, Sunday chawibiek inkhawma worship an thruoi ding thu le hlaa inbuotsai lawkna hun damin an hmang hlak. Sunday worship service zatin Thralaiha'n thu le hla'n worship an mi thruoi hlak.

HCFD MISSION FIELDS THUTHAR

Shikohabad, UP Mission Field-ah June 29, 2024 khan baptisma hunser hmang a nih: Pastor Lalsiesang Zote le Tv. Thangliensang Zote hai pafa chu Shikohabad, UP Mission Field a baptisma rawngbawlina hunser hmang dingin June 28, 2024 khan Delhi a'nthawk Mission Field panin an inzin. Mi 37-in baptisma June 29, 2024 khan an lâk a nih. Baptisma lahai lai hin hun danga nêkin tuta trum chu thralai an tam a nih. June 30, 2024 khan chawibiek inkhawm hlim le inhawi takin an hmang. Lalpa Zâmbu semna hun hmang a ni baw. Chawibiek hunah ringthar threnkhathai anthawk testimony ropui tak tak hril le ngaitlâk a nih.

Shiv Vihar le Mahipalpur rawngbawlina: Mahipalpura Hindi service nei trana um khawm a fetluong pei. Ei rawngbawltuhai fethlengin Rang-puri-ah Lalpa'n mi (contact thar) a mi pêk sap zing pei. Shiv Vihara khawm mithar an um peia, chuonghai chuh ringtu det tak an hung ni theina dingin kohranhaiin ei trongtraipui zing a pawimaw êm êma nih. Chun, Shiv Vihar-a ei rawngbawltu Evan. Vanlaltlan Amaw a nuhmei Pi Esther Amaw chu hun iemanichen a'nthawk khan a kala lung um leia dâktawr pana inenkawl zing le operation hmabâka um a nih a. Operation ngai lova lung hih a bo theina dingin kohranhaiin trongtraipui ei tiu.

Editorial

Ahmasa takin Hrepuitu magazine tiemtuhai popo ei Lalpa Isu Krista hmingin chibai ka buk cheu. Pathien lunginsietna zar chauin ei magazine khom suksuok theiin ei la um peia ei lawm takzet a nih. Hun iemani chena inthok khan mimal threnkhat tlawmngaina le inphalna zarin ei magazine khawm a thlawn tawpin ei semsuok thei a ei lawm takzet a, Lalpa'n an inpekzona mal-sawm rawsen.

Ei magazine hih a zau lem le mi tam lem tiem theia a hung um theina ding le hi neka fumfe lema hma tieng a pan pei thei dan ding magazine Editorial Board chun dilsut taka a ngaituo hnungin kum khat sung peia subscribe theia siem ni ta sien ti le a subscription fee chu Rs.200/- nisien tiin a lo rel a. Chu dungzui chun subscription form siemin a sem suok a, vawisun chena hin mi 70 neka tam metin an subscribe tah. A thlawn tawpa ei sem khoma copy 70 lai cho khawm ei sem daw. Zo ngai naw chang a um hlaka, sienkhawm mi thrahnem takin an hung subscribe tha hih ei lawm takzet a nih.

Ei Magazine hih hi neka a tiemtu ei tam theina ding le a kohran ang khawma ei sawr trangkai theina dingin thurawn thra dam, article dam, sermon tawi dam, testimony dam le news item chen khom ienglaikhomin ei lawmlut zing ani ti ei hang hriet thar ei nuom a. Ei theina ki in ang vawng nawng a ta, chuleiin ei theina zawng hai hung suokhawm dingin ei infiel baw. A nih.

Chun ni dang ang ni ta loin ei magazine hih a subscribe hai cho ei sem ta ding ani lein la subscribe lo hai chun ieng lai khomin subscribe thei zing a nih. Subscription fee hih pu Rohminglien Songate (Gpay no. 9560826347) kuoma peka subscribe el thei zing a nih. Onine a pek a remchang naw khomin Pathienni inkhawm huna hai cash khomin pek thei zing a nih.

Lalpa'n ei magazine hih mal mi sawm pek sienla, a ram a lien nawk-zuolna ding le chanchin thra hih einiah zung a kei nghet zuol theina dingin hmangruo pakhata mi hmang pek pei sien, hi neka thra lem le ditum lema siemsuok a ni pei theina ding le hlutsak a ni pei theina dingin Lalpan malsawm pei rawsen.

KA TA DINGIN PATHIEN HNAI A THA

~Upa Dr. Lalsiemlien Pulamte

Pathien thu ei innghatna ding, Sâm 73:23-28 hi hei tiem hmasa phawt ei tiu.



Ei naupang lai khan ei ruolhai mi vuok ding am- anih thil t̃itum ei tuok ph̃a ei p̃a hai bulah ei um tlat chun ei him hlak. Sâm 73 ziek̃tu, Asaf khawm hin Pathien bula um a'n chu tlat a. Pathien kutin a kut chang tieng a chel a. Baibul ch̃ang danga chun Pathien chun, “Ka kutin ṽan ka kei phar a” (Is 45:12), “Ka kutin sukhrat zing ka tih” (Sam 89:21), “Ka kutin ka hum zing che” (Is 51:16) tihai ei hmuh. Pathien ropuina'n Mosie a suk̃nat nawña dingin ‘Ka fe kh̃el hma khat che chu ka kutin hup ka ti che’ a tih. Khi thuziek̃haia inthawkin Pathien kut hi a mi sukhrattu, t̃itna le buoina lak̃ah ei inhumhimna le chuhai z̃ara ei hratna a nih ti a sukl̃ang. Mawl deũin hei indawn ei tih. Pathien mi chel ph̃ak dingin ama bulah um ei inchu hlak am? Annawleh, ei suksuolnahai le suong ding dang ei neihai leiin a bula um loin amaa inthaw̃k hla tak̃ah um ei tum tlat lem am?

Sâm ziek̃tu chun, “Mi'n fuiin i mi keihruoi a” a ti nawk a. Lalpa chu ei kalchawi dân ding mi'n ch̃ûktirtu le rem mi ruotpektu a ni el bâkah a mi enkai zing hlaktu a nih. Ama chu ei Remruottu Mak (Is. 9:6) – ei sandamna mak taka remruottu a ni khah. Thaw ding bik hre lo raka ei buoi huna khawm Lalpa chun lampui a mi kawkhmu hlak. A ch̃ang chun Pathien ei var khal hlak a, ei mihriem varna hmangin thil thaw zung zung ei tum hlak. Lalpa z̃ai la hei ngai phawt khawm a tha hlak awm ie, ama chu thurawn mipetu (counselor) a ni si a.

A hmaa ei hril tah hai – Pathien chu ei inhumhimna le a mi'n fuitu a ni leiin ṽana le hnuoiãh Pathien naw chu

tu dang thlakhla ding hrim ei nei ding an nawh. Ei thlakhla hai kawlah um zing ei inhaw̃k hlak an naw? Nung- hak-tlangval hai lem chun an inth- lakhla leiin kum tluonga dingin innei chen an nuom hlak a nih. Lawmna le himna mi petuhai chu ei thlakhla hlak. Vawisun hin ei rothil hai, ei varna hai le ei nina ins̃ang hai hin ei Pathien ei thlakhla ding hi an d̃âl el ta'm a ni? Nunghak chun, “Ka hmangai chu ngaw k̃ara epul k̃ung ieng a nih; A hli- ma inthung ka thlakhla ie, a ra khawm a thlum bik a nih (Hla 2:3) a lo tih a. Lalpa ei hmangaina chun ama a mi'n thlakhlatir ding a nih. Khawvel thilhai ei hmangai si chun Lalpa thlakhla dân a um naw ding hrim a lo nih.

le Thursday zat hin hi lai hmun le a se vel hi visit a ni bik deu hlak. Tu khom hin hi lai hmuna hin mi 17 vel contact mek an nih. Chuonghai chun Pathien sandamna changa ringtu thra tak an hung ni ngei theina dingin ei trawngtraina ma nawñg ei tiu. Chun, a remchang ang peiin hieng Vikas kun, Najafgarh, Chandar Vihar, Nangloi, Nilothri, JJ Colony, Vikas Nagar, Mohan Garden, Chanchal Park, Badalli, Ranhola, Shiv Vihar, Hari Vihar hmuna hai khom hin rawngbawl̃na nei hlak a nih. Hieng lai hmuna mi hi mi 70 lai vel contact zing an ni a, hieng ei mi contact-hai hi a thren chu ringthar hai hin, thrahnem ngai takin an kaw̃l le kienga ringnaw̃tuhai an ko khawm ve hlak a, a hun le hmun remchang ang peiin inkhawm na va neipui in, isu krista chanchintha , sandam na thu kan va hrilpui hlak.

Chun, zoom hmangin online-in tuk tin zing dar 6:15 A.M-in zing trongtrãi nei a ni hlak a. Nilaini zan dar 7:00 P.M-hin ei pastor Lalsiesang Zote thruoia hnuoia Baibul study nei a ni hlak bok. Chun, Zirtawpni zat hin bung̃hei trongtrãi nei hlak a ni a, zing dar 9:30 A.M hin staff hai po trongtrãi khawmna le bible study kan nei hlak bok. Chun, chawh̃nung dar 2:00 P.M hin kohran mipui kan rengin trongtraina kan nei hlak bok.

Naupang Sunday school

Sunday zat hin naupanghai khomin Sunday school regular takin an kai hlak a, anni hriet thiem thei zawngin Bible-a story hai hril an ni hlak. Sunday school hi Department Pathuma thre a ni a, subject khawm a hran sengin an nei. Bilbe chang an by-hearthai sunday zatin an hril hlak bok. Naupang hming ziek po hi 74 vel an ni a, hi baka hin Sunday zatin mi a hung thar an umzie hlak. Naupang Sunday School hotuhai chu:

1. Pi Remthangmawi - Superintendent
2. Pi Esther Laltlansuok
3. Pi Parminder
4. Tv Thangliensang
5. Nk Neetu
6. Nk Rebeka
7. Nk Amisha
8. Tv Sumit

Nuhmei pawl

Nuhmei pawlhai chu Thawlenni zantieng zatin inkhawmna an nei hlak a, chu huna chun Baibul study le trongtrãi ruolna hai neiin, testimony sharing dam an nei hlak. Kohran sunga dam̃nawhai ta ding bik trongtraina

MISSION RIPAWT

~Evan Vanlaltlan Amaw



A hmasan vawisun chena a chanchin thra hriltheina kawt lien tak mi la hawng pektu ei pa Pathien kuoma lawmthu um raw se. Hmar Christian Fellowship Delhi (HCFD) fe thlenga a rong bawl thei dinga a lunginsietna mi la'n dongtirtu le hriselna mi petu ei pa Pathien kuoma ka lawmthu ka hril a. HCFD-in Chanchin Thra la hre ngai naw ringnawtuhai laia rong ei bawlna Mission tieng pang khom Lalpan hmu theiin mal a mi sawm zui zing a, voisun chena rongbawlna sunzom pei thei dinga a mi la thruoi pei lei khomin ei Pa Pathien kuoma lawmthu um bok raw se!

Ringnawtuhai kuoma tlawm taka chanchin thra ei tlanginsampui chu Lalpan nasa takin mal a sawm hlak a, ringthar pek belsain ei um zing a. Shiv Viharah ei inkhom hlak khawm kha Pathien lunginsietna zar chau-in ei la sunzom thei pei a. Inkhawm Lalpan mal a sawm hlak a, inkhawm lai mi thrankhat thlarau suolin a sawisak dam, damnaw dam an hung thruoi hlak a. Pathienin a sie hlawhai kut tlawm takhai hmangin chuonghai chun thlarau suola inthoka zalenna le natnaa inthoka damna an chang hlak. Chun, inkhawm zat hin ringtharhaia inthokin testimony ngaithlak a ni hlak a, Isu Krista ringtu an ni leia an sung le kuohai laka dam, ringnawtuhai laka dam harsatna an tuokhai an hril hlak a. Chuong ang harsatnahaia inthoka annia Pathien hung inpuongna thu dam an hril hlak a, ngai nuom a um a, thlarau nun chen khom an mi sukhrat pha hlak.

Tarik 16 February, 2024 khan Shiv Vihar Church-a ei Pastor Lalsie-sang Zote kuta inthokin mi pahni'n Baptistma a'n chang a, Lalpa ropui raw se! Chun tu khom hin baptisma chang nuom ringthar Lalpan a mi pek zing a, hun remchang hmasa taka baptisama rongbawlna nei dingin kan inbuotsei zing a nih.

HCFD-in tlawm taka Pathien rong ei bawlna ei puonin chu inzauin a um pei a. Delhi le a se vel hmun hrang hranga Chanchin Thra thei ang anga hril a ni zing a. Ni kum hmasak laia Kishangarh-a Hindi Service inkhawm ei lo nei kha, a tam lem ringthar hung inkhawmhai kha Rangpuri le Mahipalpur tienga inthoka hung an ni a. Anni ta dinga inkhawm hnaina lem inkhawmna ding hmun remchang Pathien kuoma ei hni chu Lalpan ei trawngtraina a mi dawn a. Tu hin chu Kishangarha ei inkhawmna hlak hmun kha ni ta loin, 5th May, 2024-a inthok khan Rangpuri, Mahipalpur ei lo inkhawm lem an ta. Mahipalpur inkhawm hi Saturday zat zing 9:30 A.M-in nei a ni hlak. Monday

HREPUITU

Khawvel thil suong ding le thlakhla ding tam tak lo nei inla khawm ei taksa le lungril chu a chau thei a. Ei taksa chu bawrsawmna tin rengin a tlak buok thei a, ei lungril khawm lungngaina le suol bawmin a um thei bawk. Lungril le taksa inkungkeina Davida'n a lo hmu a, "Lungngai leiin ka mit a'n vâi, ka taksa le ka lungril khawm, beidawngin an lo chau zo tah. Tuor rim leia ka tha chàuin, ka ru le châng a rawp zo tah (Sâm 31:9-10) a lo tih. Sâm ziektu chun, "Ka taksa le lungril hi, Pathien hring ngaiin a'n rûm" (Sâm 84:2) tiin a lo khêk suok a. Ngai ding tak Pathien a ngai a, chun inrûm meuin a ngai takzet a nih. Asan chu Pathien chu a sukhrattu, a lungril sukhrattu a ni leiin. Mi sukhrattu Pathien hi lungpui nghet angin a detindo a, sukhnung ruol an nawh. Electric um naw châng, ei mobile phone hai hi power bank-in ei charging hlak a. Powerbank hi a hung chau thei a, recharge a ngai ve thung a nih. Mi sukhrattu ei Pathien ruok chu a thilthawtheina le hratna a chau thei ngai naw a, a pângngai zing hlak a nih.

Asaf chun "sukhrattu Pathien chu chatuona ka chanpuol a nih" tiin amaah Pathien nina a chieng êm êm a. Ei inhmun/ lohmun neitu nina lekha (document) ei nei leiin 'hi hih ka ta' ei ti ngam hlak. 'Chanpuol' thumal hi Josua lekhabuah voi 36 zet a chuong a. Judaihaiin Josua rawia Kanân ram an

HREPUITU

lâk a, an hung hlao pei khan an khaw-sakna ding ram le ramri hai khangpek an ni a, an chanpuol ding seng ram t̄ hepekin an um a ni khah. An chanpuol ramhai chu hnam tin ta dinga an khawsakna ding, an 'lifeline' ding a lo ni tah. Vawisun, taksa le lungrila ei chau theina hmun, ei khawvel inzinna rama hin Pathien chu ei chanpuol, ei lifeline-a nei a va t̄ha awm de! Jeremia chun a tuorna le vakvâinahai kârah, 'Ka neisun chu Lalpa a na, ama chu nghak zing ka tih' (Lusun 3:24-25) tiin a'n hnem hlak thu a hril a. Habakuk ngêi khawma taksa rama a'n ngatna po po tlawl vawng ta sien khawm Lalpaah a hlim pei ding thu a hril a nih. Ieng lei am? Asan chu Lalpa PATHIEN chu a hratna a ni leiin.

Pathien chu ei inhumhimna le mi keihruoitu a ni leiin ei himin ei dingchang thei a nih. Chu chu hre sia ama hlattuhai chu bohman ngêi an tih. Ei ram buoinaa khawm hin ei inhumhimna dingin sipai ei bêl a, sipai camp hlattu ta ding chun thina tuok a awlsam a nih. Chuong a ni si chun iem thaw tâng ei ta? Ei ta dingin Pathien hnai a t̄ha. Krista thisen hlu zârin Pathien hnai theina ding lampui siempekin ei um tah. Pathien hnai ro, ama khawmin hnai a ti cheu a mi tih. Chunghnungtak Pathien (Sovereign God) chu ei kulpui le kulbing, ei bêlbul tak ding a nih. Asaf-in Lalpa Pathien chu bêlbula hmang dingin ka lo thlang tah tia thutlûkna a siem angin

eini khawmin Pathien hi hnai ei tiu khawm tlâksam an nei si nawh, amain
a, ama chu ei bêlbulah hmang ei tiu. a ngaituo pek ding a ni sih a.
Lalpa zawngtu ruok chu thil tha, ieng Lalpa'n a thu malsawm raw se. Amen.

SEKIBUSUOK

~Dr. Dony Tuolte



Tu khawm kei mi ring chu a sunga inthawkin hringna tui
hung luongsuok a tih (Johan 7:38).

(Sura le Nahai lo inthleng chanchina inthawk Sekibusuok hming nung
suok a nih. Hi neitu hmasa chu Phungnu (Khawhri) nisienkhawm Pu
Sura kuoma a pek a nih. Tienami a ni a leiin thil um thei ngai lo hi a um
thei hlak a nih. Ka thu ziek leh anhme leiin SEKIBUSUOK thupuiin ka
hmang ta lem a. Sekibusuok neitu hi Sura le Phungna ni loin Isu hi a lo ni
lem. Iengtin am a ni thei thlir ei tih.)

Tooth paste, ha nawtna hlo bath-rooma kan hmang lai chu a bo tep a.
Pei el dîm ka ti le ka la hmet dawkwawm pei a. Kar khat hnung khawm chun a
bo el naw lei chun ka hmang zing a. A hmel en chun thep deu hleka um an tah.
Sienkhawm ka ring nekin a dai sawt bak el. Nikhat chu tooth paste ka hmet
dawkwawm pei chu ka lunggrila a cham zing a.

Chuonga lunggrila kangaituo laiin Isu'n
mipui sangnga a vai chanchin lunggrila
an lang el a. Tooth paste, ha nawtna
hlo le mipui sangnga vai chanchin hi
anzawm naw hle. Sienkhawm ka lung-
grila Pathien thu hung inlang le ruok
chu an zuol ve thung tlat. Isu khawve-
la a leng lai mipui tam takin an zui.
Thil mak thawin damnaw a sukdam.
Kebai, mitdel, zeng le phar, naset le
natna dang dang a sukdam.

Tumkhat thlalera a thu hril
ngai thla nuom mipuiin an zui. Khuo
an hnu ding an tah. Mipui an phing a
tam. Fak ding hlak um lo. A zirtirhai
kuomah nangnin fak ding pe ro a tih.

Tangka an nei tam naw khawm ning a
tih. An naw leh duli zahni chu an nei
ni mei a tih. An hei hisap chun mipui
chu zat fak ding duli zahni khawma
dai lo ding a nih. Mihriem warna le
hrietna chun a hisap zung zung hman.
Chu khawm ni sien mipui chuong zo
zai fak ding a dai thei nawh. Isu hlakin
nangni'n fak ding pe ro a tih. An bei
dawngin an lunggril chu sahal vieu a
tih.

Mihriem ram ei thlir a, ei dak
suok pha ei bei a dawng hlak. Fak
ding ei tlasam, pek ding le sawm dawl
ding an tam. Ei mansa a ruok, ei nun a
kawruok bawkwawm. Isun nangnin fak ding

var hmu theia hlaa i la hei um bik el dam hi Lalpa'n hmang nuomna a la nei
che ni'ng a tih. Chu leiin Lalpa dit dan angin hringnun hmang tum ta rawh.
Nakie tangkaina nei loa hmunhnawkwawm ang ela i um chun Lalpa'n raw hmang
hun a la nei ngei ding che a nih.

Lalpa'n a thu mawl tea ei suklanghai chu tul le tha a ti ang takin mal
mi sawmpêk raw se.

TUOLSUNG CHANCHIN

Vengbuk Kanna Nei

Hmar Christien Fellowship Delhi (HCFD), Department of Music and
Youth Affairs Committee le Worship Team haiin March thla a inthoka veng-
buk kanna an lo nei tran ta chu an la sunzawm pei a, liemtah June ni 1, 2024
khan Rest of Delhi Vengbuk kanna program an nei. Program hih Pu Herbert
Lalsanglur hai quarter hluo mek Central Government Residential Complex,
Deen Dayal Upadhaya Marg hmuna nei a nih. Rest of Delhi hai hih vengbuk
pakhata um an ni naw a, Delhi le a se vel kar hla tak taka um tawl an nih.
Hieng anga vengbuk pakhat anga fe khawma Pathien hminga program an buo-
tsei thei hih inpak an um takzet. Thralai Committee le Worship team hai khom
inpak an um takzet. Ruoi inhnik takel in neitu le vengbuk haiin an buotsei chu
kil tlangin taksa le thlaraua an tlei hle niin ei hriet.

West Delhi Vengbukin R.K.Puram-Moti Bagh Vengbk an Kan

Liemtah June ni 15, 2024 zan khan West Delhi vengbukhai chun R.K
Puram le Moti Bagh vengbukhai kanna program an nei a, an tam leiin mimal
ina program nei el a remchang naw leiin Fellowship center, Munirka nei a nih.
Chanchin ei hriet danin ei center khawm an bit deu thaw a nih. Pu Immanuel
Khawbung in Pathien thucha a hrilna anei a, Pathien thuah inpawhlhimna an
nei el chau niloin taksa ruoi khawm hnienghnar taka buotseiin an kil tlang
bawkwawm. Hieng ang program hih taksa le thlaraua fellowship inthuk lem ei nei
theina dingin thaw rawp chi niin an lang.

I VÂNGNEIZIE I'N HRIET HLAK AM?

~ John L. Pulamte



Khawvêla hin nê tin elin mihriem an pieng thlâk zing ang bawkin, inchat lovin a thî khawm an um zing bawk. Chuonghai lâia chun kum tling lo dâm, nâupangte dâm, nunghâk tlangvâl dâm, nûpui pâpui dâm, pitar putar dâm an um.

Tiemtu dit tak, kum ieng za'm i tling ta a? Kum tling loa thî mihriem hieng zozâi an um lâiin hieng chen chen dama i la hei um bîk el kha vângnei i'n tiin Pathien kuomah lâwm thu i hril hlak am? Nuhmei/Pasal i nei ta am? Nâu i nei ta am? Nang i nêka fel le tha, suolna nei dêr lo tam tak chu vawisûn hun hi hmu phâk ta lovin muol an liem tah tî hi i ngaituo hlak am? Pathienin hieng chen chen pasal/nuhmei neiin nâu rîla râ malsâwmna a pêk che hi lâwm nachâng i hriet am? Nâu dit êm êm, sien khawm nâu nei thei lo, mî nâuhai inhnar ngâwi ngâwia um hi khawvêla hin a sâng tam an um a nih.

Inkhâwmah i fe hlak am? Mi tam tak chu kea lâwn thei lo, wheelchair-a inthung inkhâwm châk ngâwi ngâwi dâm an um tî hi ngaituo hlak rawh. Mîhai anga vun ngo, mîhai anga dung insâng le pumduong tha i ni naw lei el khan i nîna i'n sit hlak am? Kut bo, ke boa pieng, accident leia mihriem suok zo ta lo hi Hmar hnam nêka tam hi an um tî hi i ngaituo hlak am? Pathien kuomah lâwm thu hrilna ding ruok a nih ei kepâra inthawka ei lu sîp chen ku hi a mal malin ei hei bî chieng a.

I pasal amani annâwleh i nuhmei kha mîhai angin a lo fel zo naw a ni khawmin lâwm tho rawh; kawppui nei ta lo hai anga khawsâwt inrieng le mal ngâwi ngâwia um loa buoi rawk rawka i la um thei kha vângneina chi khat a nih. Inhlawna ding zawngin amani annâwleh buoipui neiin i suok a, sienkhawm kut ruoka in i'n lâwi lei el khan hlawsamah inngai naw rawh. Mi tam tak chu ram danga inchûkna tienga hlawtlingna chang, sùng le kuo hai leh lâwmna hunser buotsai kâr nghâkhla êm êm, sienkhawm inhmua hman ta loa a khang zâwna in inlâwi lût dêr ta dâm an um a, a then chu mo lâwm dînga inbuotsai lâi zing, a hun tlung hman ta loa thîna dârin a lo inrîk khal dâm an um bawk.

Lâwm thu hrilna ding tam tak ei nei a, ieng po khawm ni sien, hieng chen chen hring le dama Lalpa'n a mi la hla bîk el hi ieng di'm a mi la tî ni'ng a t'a? tî hi insût nawn ei va tûl ngei. Ran chun tar raka a neitu'n a vâi ta chun hmang nuomna a nei lei a ni naw ding? Chu ang bawk chun mi tam takin i kum zât khawm tling hman lovin muol an liem lâiin, nang ruok chu khawvêl

HREPUITU

pe ro a ti si. Fak ding pe ro titu chun pek ding le phawrsuok ding a um ti a hriet ning a tih. Sienkhawm ei man-sa, pocket a ruok sih a. Fak ding le sil ding an dai thei nawh. Iem thaw tang ei ta ? Hang indap tha nawk ei tiu. Iemani bek chu um a tih. Lalpa'n a thaw dan ding a hriet. Sienkhawm ei ni tieng phût a nei ve hlak. Nang le kei thang loin Pathienin thil mak a thaw nuom nawh. Ka thaw thei nawh tîn thung muong el nawng ei tiu. Ei thei tawk ami phut ve a nih.

A zirtirhaihai an bei a dawng. An hei dap vel, chu lai chun naupang pakhat beiper panga le ngate pahni nei an hmu fuk. A va tizie lawm lawm. Isu kuomah an hung chawi. Isun mal a lo sawm a. Chu phingleh mipui phingt am lai an sem tah. An sem an sem el tah. An sem tawp thei nawh. A bo el thei ta tawh. Hi lai thu hin ka lungril a tawk thar chu tie. Inchuktir hai khan an sem am sem el tah.

Keskibusuok ei hril vet anga bo thei naw khawm ning a tih. Tienamia ei hriet danin Sekibusuok hi ei ben pei chen chen bu le sa ei ben suok thei a nih.

Inhma khan thawk-le-khata Isu'n beiphek panga le ngate pahni hai tam deu a sukpung ka lo sawn hlak. Sienkhawm chu chu ni loin, Isu'n mal a sawm hnungin a zirtirha'n an sem pung, an pek pung pei a ang.

Tumkhata tam tak Isu'n a suk punga, sie khawm hnura an lak pei,

HREPUITU

sem dinga an luok dawk pei an nawh. An sem pei. A tawp thei ta dal. A va mak de aw! Sekibusuok ei ti ang deu an ta awm! Mipuiin dit tawkin an fak. An fak bâng bawm râng sawm pahni, an la rut khawm nawk nghal. Isu'n a suk punga an sem bâng ni loin, an sem suok hnung an fak mahla, an rût khawm ni sien a hawi.

Ava ropui de aw! Isu thupek zawm, a thupek anga thaw, an sema an pek dawk zet chun aw! A bo ta nawh. A kiem thei ta nawh. An sem an sem el tah. Mitinin an dit tawk le khawpna tawk an fak seng. An sem ding po an sem zova a tawp chau niin an lang. An fak bang, fak seng lo bawm sawm le pahni an la rut sip nawk. Isu Krsita neitu chu an sunga inthawk chatuon tuihnar suok kang nawk ta lo ding ang an chang. Lal Isu hi hringna tui chatuona kang lo, Tui hring chu a nih. Nang le kei, ei hringnuna pek suok ding sem suok ding nei ve ngei ei tih. Thlarau dang char le phingtam kuomah pe suoka sem dawk ding ei nih. Ei thil nei, ei dawng le kawl hai inang tawl naw nih. Sienkhawm ei nei sun Isu kuomah chawi ei tiu. Ama'n a sukpung ding a nih. Ei thei tawk a mi phut ve tlat. A nuom chun thawk-le-khata thil mak thawin mipui a hrai thei taluo. Sienkhawm nang le kei, ei thei tawk, ei thil nei a hmang nuom ve tlat.

Eini tieng ei en pha, ei theina a tlawm. Ei inzapui nawk hlak. Chu

07

pha pha ei zamsie nawk hlak. Kei khawm ka ni ie! Pathien thu ka dawng ve ka tih. Thiem lei ni loin, nuom le nuom naw thu ni bawk lo, inhman le hman naw kara ka ziek ve hlak. Mi anga ziek thiem khawm kan nawh. Mipui phingtam chawmna din a chin tham taluo. A tlawm tham taluo bek bek. Mani kan sit ngawi ngawi hlak. Sienkhawm ka thei tawkin ka thaw ve. Ka thaw thei naw leiin, a thaw thei, malsawm thei Isu kuomah ka tlulut a, kan hlan tawp. Ka theina a tlawm Lalpa! Ka theina a tlawm ngei maw Lalpa! ka ti vawng vawng hlak.

Nang le keiin ei neisun Pathien hmang dingin peng ei tiu. In hlan ei tiu. Pe phal ei tiu. Ama'n a nuom dana a hmang dinga ei peka, ei inhlan pha a nuom angin a hmang el ding a nih. Chu chu nang le keia ta dinga malsawmna hnar a ni hlak si.

Mipui sangnga vaina dinga hmangruo kha ngate pahni le beiphek panga chau a nih. Naupangte khan phal naw sien, mipui hraina dingin hmang tangkai naw ni hai. Ama khatin fang a ta, inzo el a tih. Sienkhawm malsawm theitu, sukpung theitu Isu kuomah an hung chawi zet chun thil hmusitum, tlawm hle sien khawm mipui tam takin an tlan a, khawp takin an fak thei. Chuleiin mani tieng in en loin, a thaw thei Isu kuomah inhlan ei tiu. Ei nin ei thaw thei naw lei Isu bel ding ei nih.

Khawvelah mi var le mi

thiem, a hausa le a neizo han Isu an mamaw nawh. Tulin an inhriet nawh. Vawisun nang le kei, Isu bel theia a kuom pan theia ei um hi lawm a va um lawm lawm ngei. Khawvel varna le thiemna, hrietna mi angin nei ve lang chu Isu ka mamaw hmel hre kher naw ning. Ka thiemna le theina sawn mei ka tih. Sienkhawm ka tlin naw zie, ka fel naw zie, ka tlak naw zie ka hriet leiin Isu ka bel lawm lawm hlak. Ama chu kan humna lungpui le ka kulbing insang a nih. Inhning ngai naw ning.

Khawvel tukver ei dak pha pha lungngai le beidawngna sôm a zing hlak. An kieng dim ei ti leh a dang a hung nawk. Pakhat a bo leh, a hnung thuoltu an lang nawk hlak. In kieng zai a rel thei tak tak nawh. Zirtirhai khawm anni an in en. Ieng khawm an nei nawh. An bei a dawng. Sienkhawm a thaw thei Isu a um. An muolpho le beidawng Isu'n a phuhruk pek vawng. An thaw fuk de aw! Isu beltu an muolpho ngai nawh. Muolpho loa mi siemtu, muolpho laka mi humtu, ieng huna khawm thangpui dinga inpei zing Isu ei nei hi ei va vangnei lawm lawm ngei.

Chuleiin, nang le keiin Pathien thu ei kaw! tlawmte khawm ni raw seh, annawleh Pathien ram sina ei pek thei tawk, tangka sum tlawmte khawm ni sien zam sie el nawng ei tiu. A sukpung thei, sem pung thei Isu kuoma inhlan ei tiu. Phaltaka ei pek

a hung chuoiin, ka kal ka pân buoi a, Ka khawvel an chinbuoi, fe ngaina ka hriet nawh; Sienkhawm sôm dum karah var a hung inlang a, A mi kawkhmu nawk hlak ka van lampui tieng chu" a ti lem hin chu umzie le hril tamtak a nei a nih. Mihriemhai hi ei hlim lai nanâ na chun inhawi ei ti a, thuzawm khawm a awlsam hlak. Harsatna le buoina dang dangin ringtu a'n tuokpui pha, mi puitling tak tak dinga ngaihai khawmin harsa tiin an tlu nawk hlak. Sôm dum k^ra var hmu thei hi ringtu nuna pawimaw ve tak a nih. Harsatna le tuornahai hi thlarau rama dingin malsawmna a nih ti lo palsuoktuhai chun, "Aw harsatna Lal hmel hmuna, lungchimte in lo pawm ka che, duot takin lo enkawl ka ti che, harsatna a dang a la um am?" ti'n huaisen takin harsatna an huom zie hla-in an lo khêksuokpui thei ve tlat!

Thlarau rama chau lo khawm, ni tina ei khawsakna a khawm hin Pathien chun ei ngirhmun pangngai neka tha le hmang tlâk lem ni dingin a changin a mi recycle ve hlak. Natna, retheina, mangangna, khawsâwt/lusûnna le a dang dang ei tuok mekhai hi, tuta neka tha lema mi siemsuok a nuom leia Pathienin Recycle Bin-ah a mi khum khawm a lo ni thei. Ieng Recycle Bin tak a'm I um leh? Rangkachak khawm meia rawtuiin a tha khat ngawt an laksuok hlak angin, Pathienin hmang tlak le mi tha lem ei hung ni theina dingin, a chang po leh siemthar n^wk dingin Recycle Bin a hin a mi khum hlak a lo nih. Pathien remruotna hrechient thei dingin ei lungril le theina po poa thangin Ama dawr ei tiu. Ruoltha le l^ina, ei inthlawppui thanghai chu an lungril ngaituona khawm ei hriet thei hlak. Chu ang bawkin, Pathien le inpawlna nun nei thanghai chu Ama leh inzawmna tha tak an nei a, Pathien lungril ditzawng khawm an hriet thei hlak.

Ringtuhaiin thil ei suksuol lei khawmin Pathienin Recycle Bin-ah a mi khum chang a um hlak bawk. Pathienin a theida tak chu, mi titak lo, kawp le inkâi dûta um, lum si loa dei chuong bawk lo, Laodikei Kohran anga lum p>lpuol hi a nih. A hun laia Pathien ditzawng ngaituoa ei insiemtha naw chun, Computer Recycle Bin a file ei sukbo sawng thei angin, Pathien chun danglam takin a mi recycle thei zing. Pathienin Recycle Bin-ah a mi khum hlakna san tak chu, a nêka tha lema mi siemthar a nuom hlak lei a nih ti ruok chu ei hrietchient a pawimaw thung.

RECYCLE BIN

~ Ramditum Ralsun

“Sometimes all you can do is smile. Move on with your day, hold back the tears and pretend you’re okay.” ~ Anonymous



Recycle Bin hi tawite in hang hrilfie phawt inla. Recycle ei ti chun thil siem danglam annawleh siem thar nawk, thil thanaw le hmanng tlâk ta lo hai khâwl hmanga hmanng tlâk le tha taka an hung siem suok nawk hi a nih. Hi thil thawna a hin thil thenkhat chu a pangngai char an siem suok nawk dam, thenkhat a neka tha lema an siem suok nawk khawm a um hlak. Vai ruol le mi taima thenkhatin thir sie le plastic bottle tha lo an zawng khawm hlakhai hi recycle ding an nih. Plastic bottle hai hi khâwl hmangin plastic bottle bawka an siem nawk a um a, thenkhat plastic bottle pangngai neka changkang le tha lema an siem suok a um ve bawk. Recycle chu ei hrietfie ta ring a um a. Recycle Bin ei ti chun thil tha nawhai recycle dinga an sie khawmna bâwm ti inla a hrietfie a awlsam tak ring a um. Computer a chun Recycle Bin a hin file ei delete tah hai a um hlak a, ei dit nâwk a um chun file kha ei nuom chun ei restore thei a, ei dit ta der nawhai chu chatuonin ei computer-ah um nawk ta lo dingin ei sukbo (delete) sawng thei bawk.

Ringtu nuna dingin Recycle Bin hi ei hrietchieng a pawimaw hle. A hmasataka ding chun, chatuon hringna (sandamna) luontling ei chang theina dingin Pathienin mihriemhai hi a mi recycle a nih. Eden bawsietna leia Pathien le inthe, chatuon hremna tuok ding le mi bohmanngai kha, Pathienin a naupa neisun hmangin Kalvari Kraws-ah a mi hung recycle a, Krista thina chu ei thina-ah mi puong pêkin, Ama le inzawmna nei ta lohai kha nau nina ngirhmun mi’n changtirin, vanram inhawiah Ama le kumkhua châng hmunkhat thei dingin Kalvari Recycle Bin hmangin a mi hung siemthar nawk a nih. Kalvari Recycle Bin a hin I lo um ve am leh? Hi Recycle Bin a um le siemthar nawkhai ta dingin thiemnaw chang tina hrim a um ta nawh (Rom 8:1).

Kalvari Recycle Bin a siemtharhai khawm hin, ringtu nun ei khalna kawngah vawi tamtak chu Pathienin mi recycle dingin Recycle Bin-ah a mi sie nawk hlak. Ei hlapu Pu Solomon V Hmar chun, “Van sang a mi vuongpui, van hmun a mi fangpui, Chu hmuna inthaw chun a mi thlâk tla nawk hlak; Thlipui, ruopui umna hmuna a mi thuoi a, A ram le a felna a mi’n chuktir nawk hlak” ti’n indik le mawi takin hla a lo phuok a. Hi hlaa chang 2-na “Hlimna

HREPUITU

chun malsawmin mi ta dinga khawpna ding, thlarau dangchar le phingtam hmemna din hmanngro ropuiin an chang thei. Lalpa ta din ei thil nei ei pek phal ve ding am ?

Lalpa’n mal misawm pek raw seh. Amen.

“FOLLOW YOUR HEART”?

(LUNGRIL)

~Khamrosang Buhril

Delhi, 30th May 2024.



“Follow your heart” (I lungrilin a thuoina tieng che chun fe rawh) ti le “The heart wants what the heart wants” (Lungril chun lungril ditzawng bawk a dit hlak) tihai hi thuvar anga ei inhrilsâwng zing zing hlak an nih. Hieng khawvel thuvarhai hi khawvel mi’n chûktir dan a nih a, hun le hmun (context) thenkhata chu ei hmanng tangkaina a lo um hlak el thei. Amiruokchu nang le kei, Krista lungril ang puttu dinghai ta ding chun, hi hi ei zui chun ei thawsuol châng a tam lem el di’m. Hi tisa lungril (heart) hi zui tlâk a ni chie am? Pathien Thu (Bible)-in iengtinam a mi’n chuktira ti chu Sâm 7:1-11 hmangin hei bêlchieng ei tih.

SÂM 7:1-11

Context:

Hi Psalm hi Lal David-in a ziek a nih a. Benjamin hnama mi Kusa an tipa hin David chu a lo hrilsiet a, David chu nêksâwrin a um a, hi Sâm hi David-in a beidawngna thu Pathien kuoma an zâwna le a tawngtâina hla a nih. Ei thupui le inzawma châng ei ditbîkhai chu châng (v) 1, 3-4 le 9 hi a nih.

Inchûk ding pawimaw:

Hrilsiet le neksawra a um huna David dawnlêt dân hi entawn dingin a tha em em a nih. Hmalâkna (step) pawimaw deu deu pahni hmu theiin a um:

I.v.1: Pathien angsungah a tlânlût (Running to God): Hi hi step 1 a nih. Ama hrâtna hei suong el a tum nawh; Ama ditzâwnga phuba hang lak el a tum nawh; Khawvela inhnêmna tamtakhaiah inhnêmna a zawng el nawh.

II. v.3-4: Tawngtai pum zingin ama le ama a lungril an enfie a nih (Examining his own heart): Ama kha a fel lemah a hei insie el nawh; Fel infina hrim hrim pei hmangin, suol thupha chawina a nei hmasa phawt.

HREPUITU

Lungril (Heart)

Ei hringnun a hin thutlûkna (decision) ei siem tul hun tam tak um hlak a tih— suongkuo thilah, career le inzawm, sinthawnaah, ngaizawng thuah, thlemna hmunah, hmelma hmaah, harsatna hmunah, naa lût ri tamtak ei dawnlêt nuom hunah, etc. Chuong hunah hai chun “Follow your heart” ti hi Pathien Thu mi’n chûktir dân, Pathien mihai lo thaw dân le Pathien ditzawng a lo ni kher nawh. Hi tisa lungril hi zui tlâk a ni nawna san thenkhathai chu:

1. Hi tisa lungril hi suola sip a nih; zaidawna (patience) a nei nawh, suol chu suol bawkin a dawnlêt nuom hlak, mani suolna a hmu thel hlak;
2. Hmelma Satanin sinthawna hmun (workshop)-a a hmang nguntak a nih;
3. Mihriem lungril hin a thatak a hriet nawh;
4. Tisa lungril hin Pathien ditzawng a thlîr kher kher ngai nawh.

Jeremia 17:9 chun hieng hin a lo ziek: “Lungril hi iengpo nêka mi hlêmh-mang chungchuong a na, siem thrat thei ruol lo a na, tu’n am hre thiem thei a ta?”(DV); “Lungril chu thil popo nekin a khelhlip a, a se rieuva; tu’n am hre thei a ta?”(BFW).

Chuleiin David hmalâk dân hi a tha em em a nih. Châng 3-4naa ei hmu angin mani lungril enfie hmasak hi a pawimaw takzet. “Ka kutin thil suol a tawk a....Suola ka thungrul a ni chun, San boa hmêlma ka rok chun..” (ESV—“O Lord my God, if I have done this, if there is wrong in my hands, if I have repaid my friend without cause...” tiin David chu a tawngtai. Hi taka “if” tia a’n zawt hin ama le ama a lungril an enfie (examine) ti a sukchieng a nih. Châng 9-naa “felna Pathien, lungril hretu...” (ESV- “You who tests the minds & hearts, O righteous God”) a ti hin ‘ka lungril hi hung fie la, I ditnaw zâwng a um chun peihmang la, I ditzawng/I lungril ang mi’n puttir rawh’ a tina ang a nih.

Lal David bawkin Sâm 51 le Sâm 139 a khan hieng hin a lo hril: Sâm 51:10-12– “Lungril inthieng mi siempek la, Thlarau nghet tak ka sungrilah intuoi thartir nawk rawh, Pathien. I lakah mi hnawl hmang naw la, I Thlarau Thienghlim ka lakah mi la hmang pek ngai bawk naw rawh” (“create in me a clean heart & renew a right spirit within me”); Sâm.139:23-24– “Aw Pathien, nguntakin mi en suok la, ka lungril hi hre rawh” (“search me and know my heart”).

Hi hi mihriem hrâtnain ei nuom nuoma ei thaw el thei a ni nawh a,

HREPUITU

Sâm 51-a a ziek ang hin, hi hi Thlarau Thienghlim sinthaw pawimaw tak a nih. Hieng huna mi thangpuitu ding le mi thuoitu ding hin a nih Thlarau Thienghlim ei kuoma a um zing. Thlarau Thienghlim thangpuina ei ngên rawp hi a pawimaw takzet.

“Ka Lungril Ang Put Mi”

Lal David kha sawisêl bo a ni nawh; tlûk châng a nei ve a, thawsuol châng a nei ve hlak. Amiruokchu a chung a ei hei tarlang ang hin, ‘Pathien lungril chu iem a n’a?’ ti a dap zing hlak lei khan a nih Pathienin “ka lungril ang put mi David” (“a man after my own heart”— Thilthawhai 13:22) a tina san chu. Nang le kei khawm damlainia thutlûkna ei siem (decision-making) tul hun le khawvel ei dawnlêtna kawngahai ei tisa lungril ditzawng ang ni loa, Pathien lungril dtizawng ei zui lem theina dingin ‘Pathien lungril chu zui rawh, I lungril ni lovin’ (‘Follow God’s heart, not your heart’) ti hi ei thupui ni rawp raw seh.

Sawmapakhat le Good Samaritan Fund

Online a Sawmapakhat le thilpek dang dang: Sawmapakhat le thilpek dang dang pe nuom hai chun hi a hnuoi a Hmar Christian Fellowship, Delhi ac count detail a hin pek thei zing a nih:

Account Number : 91462010038313

IFSC Code : CNRB0019146

Bank Address : Syndicate Bank/Canara Bank, Akbar Bhawan, Ministry of External Affairs Branch, Delhi-110021.

Online baka hin ei chawibiek naa thilpek ei lakkawm huna khawm thilpek dang danghai hih ei pek thei zing a nih. Sawmapakhat le Missionary Fund hi Finance Secretary (Mission), Pu Immanuel Khawbung kuoma lut/pek ding a nih.

Good Samaritan Fund: Chawibiek naah thilpek lak khawm huna pek thei a ni a, chu khela chun Finance Secretary (General), Pu Thanglalmuon Hrangchal kuoma khawm pek thei ani bawk.